



**ODLUKA**  
**o davanju saglasnosti na Nacrt Programa obuke i osposobljavanja spasilaca na vodi**  
**na uređenim kupalištima**  
(prijedlog)

**Predlagač:** Gradonačelnik

**Obrađivač:** Gradska služba za opću upravu i  
zajedničke poslove

**Sarajevo, mart 2018. godine**



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), Gradsko vijeće Grada Sarajeva, na sjednici od \_\_. \_\_. 2018. godine donosi:

(prijedlog)

**O D L U K U**  
**o davanju saglasnosti na Nacrt Programa obuke i osposobljavanja spasilaca na vodi**  
**na uređenim kupalištima**

**Član 1.**

Ovom odlukom daje se saglasnost na Nacrt Programa obuke i osposobljavanja spasilaca na vodi na uređenim kupalištima.

**Član 2.**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Igor dr. Gavrić**

Broj:  
Sarajevo, \_\_. \_\_. 2018. g.

## OBRAZLOŽENJE

### PRAVNI OSNOV

Pravni osnov za donošenje ove odluke sadržan je u članu 26. stav 1. tačka 2. Statuta Grada Sarajeva kojim je propisano da Gradsko vijeće Grada Sarajeva ima nadležnost da donosi odluke, druge propise i opće akte i daje njihovo tumačenje.

### RAZLOZI DONOŠENJA

Na inicijativu JP „Olimpijski bazen Otoka“ d.o.o. Sarajevo, Ministarstvo kulture i sporta Kantona Sarajevo donijelo je Pravilnik o sigurnosti na uređenim kupalištima („Službene novine Kantona Sarajevo“, broj 28/17).

Članom 39. navedenog Pravilnika regulisano je osposobljavanje spasilaca.

U skladu s tim, JP „Olimpijski bazen Otoka“ d.o.o. Sarajevo obratilo se Ministarstvu kulture i sporta Kantona Sarajevo sa molbom za dodjelu ovlasti za provođenje programa osposobljavanja spasilaca. Ministarstvo kulture i sporta Kantona Sarajevo donijelo je Rješenje broj: 12-05-28926/17 od 24.10.2017. godine kojim je JP „Olimpijski bazen Otoka“ d.o.o. Sarajevo ovlastilo da u saradnji sa Fakultetom sporta i tjelesnog odgoja i Crvenim križom F BiH provodi programe osposobljavanja spasilaca, instruktora i voditelja spasilačkih timova, obnovu znanja i praktičnih vještina spasilaca.

S obzirom na naprijed navedeno, JP „Olimpijski bazen Otoka“ d.o.o. Sarajevo u saradnji sa Fakultetom sporta i tjelesnog odgoja i Crvenim križom F BiH pripremio je prijedlog Programa obuke i osposobljavanja spasilaca na vodi na uređenim kupalištima, koji je dostavljen Ministarstvu sporta i kulture Kantona Sarajevo.

Nakon što je izvršen pregled Programa od strane Ministarstva kulture i sporta Kantona Sarajevo, isto je dostavilo nacrt Programa, na koji je potrebno pribaviti saglasnost Gradskog vijeća Grada Sarajeva, kao osnivača JP „Olimpijski bazen Otoka“ d.o.o. Sarajevo.

Direktor JP „Olimpijski bazen Otoka“ d.o.o. Sarajevo svojim aktom broj: 02-1-1337-1/17 od 28.02.2018. godine predložio je da se Nacrt Programa obuke i osposobljavanja spasilaca na vodi na uređenim kupalištima uvrsti u dnevni red 14. sjednice Gradskog vijeća Grada Sarajeva, radi davanja mišljenja na isti.

U skladu sa naprijed navedenim Gradsko vijeće Grada Sarajeva donijelo je ovu odluku.

### FINANSIJSKA SREDSTVA

Finansijska sredstva za realizaciju ove odluke nisu potrebna.

**P R O G R A M**  
**OBUKE I OSOPOSOBLJAVANJA**  
**SPASILACA NA VODI NA UREĐENIM KUPALIŠTIMA**

(NACRT)

U skladu sa članom 39. stav 1. Pravilnika o sigurnosti na uređenim kupalištima („Službene novine Kantona sarajevo“, broj: 28/17) i Rješenja o davanju ovlaštenja broj: 12-05-28926/17 od 24.10.2017. godine, ministar kulture i sporta donosi

## **PROGRAM OBUKE I OSPOSOBLJAVANJA SPASILACA NA UREĐENIM KUPALIŠTIMA**

### **POGLAVLJE I. OSNOVNE ODREDBE**

#### **Član 1. (Sadržina Programa)**

(1)Ovim Programom uređuje se obuka i osposobljavnje spasilaca, instruktora i voditelja spasilačkih timova, način polaganja ispita, sastav i izbor članova komisije za polaganje ispita, sadržaj uvjerenja o položenom ispitu, postupak izdavanja legitimacije za spasioca, vođenje evidencije o izdatim uvjerenjima i legitimacijama spasiocima na vodi i obnova legitimacije.

(2) Program će se provoditi u Centru za obuku i osposobljavanje spasilaca, instruktora i voditelja spasilačkih timova (u daljem tekstu: Centar za obuku spasilaca) koji se organizuje pri JP „Olimpijski bazen Otoka“ d.o.o. Sarajevo koji funkcionalno i prostorno zadovoljava uslove neophodne za realizaciju kursa spasilaca.

#### **Član 2. (Značaj Programa)**

(1) Rad Službe spasavanja na vodi je od neprocenjive važnosti za preveniranje opasnosti i uvođenje odgovornosti prema kupacima radi sprječavanja nesreća i povreda prilikom boravka u vodi.

(2) Program obuhvata i edukaciju djece predškolskog, osnovnoškolskog kao i srednjoškolskog uzrasta u sklopu različitih projekata koje mogu voditi spasilačke službe pod motom: „*Kupajmo se bezbjedno*“ i „*Onaj koji spasi život jednog čovjeka isto kao da je spasio čitav svijet*“.

(3) Obuka spasilaca, i organizacija spasilačke službe, je efikasan način kojim se povećava stepen bezbjednosti na uređenim plažama i kupalištima.

### **POGLAVLJE II. OBUKA I OSPOSOBLJAVANJE, SADRŽAJ I NAČIN POLAGANJA ISPITA ZA SPASIOCA**

#### **Odjeljak A. Prijava za obuku i osposobljavanje za polaganje ispita**

#### **Član 3. (Podnošenje Prijave)**

(1)Prijavu za polaganje ispita za spasioca, mogu podnijeti fizička lica nakon raspisivanja javnog poziva, koji raspisuje Centar za obuku spasilaca.

(2)Polaganje ispita se može organizovati, bez raspisivanja javnog poziva, po prijemu najmanje 10 prijava.

(3)Obrazac Prijave će biti dostupan na web. stranici JP „Olimpijski bazen Otoka“ d.o.o. Sarajevo ([www.bazen.ba](http://www.bazen.ba)).

(4)Uz prijavu za polaganje ispita, podnosilac prilaže (orginalane ili ovjerene kopije) slijedeće dokumentacije:

- a) Diplomu o završenoj školi (minimum SSS)
- b) Izvod iz matične knjige rođenih (minimum 18 godina)
- c) Uvjerenje o psihičko – fizičkoj sposobnosti (ljekarsko uvjerenje);
- d) Dokaz o izvršenoj uplati troškova za obuku i osposobljavanje za spasioca.

(5)Uvjerenje o psihičko – fizičkoj sposobnosti (ljekarsko uvjerenje) ne može biti starije od 6 mjeseci, i na istom je obavezno naznačiti da je kandidat sposoban da prođe obuku i osposobljavanje za polaganje ispita za spasioca. Uvjerenje o psihičko – fizičkoj sposobnosti (ljekarsko uvjerenje) će biti priznato ako je izdato od za to ovlaštene zdravstvene javne ustanove.

(6)U slučaju dostavljanja nepotpune prijave za polaganje ispita, Centar za obuku spasilaca će pismenim putem pozvati kandidata da dopuni prijavu.

#### **Član 4. (Prethodna provjera sposobnosti)**

(1)Obuku i osposobljavanje, kao preduslov za polaganje ispita za sticanje zvanja spasioca, mogu proći fizička lica koja su dužna prethodno pristupiti provjeri plivačkih sposobnosti, koja se obavlja po slijedećim kriterijima:

- a) Plivanje 50m za 50s i bolje...
- b) Ronjenje na dah 20m i bolje..
- c) Plivanje 300m za 6min i 20 sec i bolje...

(2)Ako ne zadovolji propisane kriterije kandidat ima istog dana pravo na još jedan pokušaj. U slučaju, da ni nakon drugog pokušaja, kandidat ne zadovolji propisane kriterije ne može pristupiti daljnjoj obuci.

#### **Član 5. (Troškovi polaganja ispita)**

(1)Troškove polaganja ispita snosi:

- a) Lično kandidat,
- b) Pravno lice, državni organ ili druga institucija za kandidate koje uputi na obuku.

(2) Troškove obuke iz stava (1) ovog člana Utvrđuje Centar za obuku spasilaca uz prethodno pribavljeno mišljenje Ministarstva finansija Kantona Sarajevo.

(3) Troškovi obuke će se uplaćivati na račun JP Olimpijski bazen Otoka sa naznakom »Troškovi polaganja ispita za spasioce na vodi«.

#### **Član 6. (Plan obuke za spasioce iz vode)**

(1)Obuka i osposobljavanje za spasioce na vodi se realizira u Centru za obuku spasilaca (Praktični dio), a teoretski dio na Fakultetu sporta i tjelesnog odgoja u Sarajevu i u prostorijama Cvenog krsta/križa FBiH, koji su dužni sačiniti plan obuke za spasioca.

(2)Izuzetno, od stava (1) ovog Programa, obuka i osposobljavanje kandidata, se može organizovati i na drugim odgovarajućim mjestima, prema broju kandidata i drugim specifičnim potrebama procesa teoretske i praktične obuke.

(3)Planom obuke i osposobljavanja za spasioce na vodi utvrđuju se:

- a) zadaci koje će polaznik obuke obavljati kao spasioc;
- b) vrijeme za proučavanje propisa koji se odnose na oblast spašavanja iz vode;
- c) vrijeme za teoretsku nastavu;
- d) završni ispit.

(4)Plan i program obuke i osposobljavanja spasilaca na vodi utvrđuju se u koordinaciji Centra za obuku spasilaca, Fakulteta sporta i tjelesnog odgoja Sarajevo i Crvenog krsta/križa FBiH, a usklađeni su sa ILS-inim programom obuke spasilaca na vodi. Plan i program obuke se sastoji od 57 časova praktično – teoretske nastave.

(5)Prije početka obuke, lice koje prolazi obuku i osposobljavanje upoznaje se sa planom obuke za spasioca i Programom za polaganje ispita.

## **Odjeljak B. Komisija za polaganje ispita**

### **Član 7. (Imenovanje Komisije)**

(1) Ispit za spasioca na vodi se polaže pred ispitnom komisijom koju obrazuje Centar za obuku spasilaca na vodi, u suradnji sa Crvenim krstom/križem FBiH i Fakultetom sporta i tjelesnog odgoja, Sarajevo.

(2) U Komisiju za polaganje ispita imenuju se:

- a) predstavnik Centra za obuku spasilaca na vodi - Javno preduzeće »Olimpijski bazen Otoka« d.o.o. Sarajevo,
- b) predstavnik Fakulteta sporta i tjelesnog odgoja, Sarajevo
- c) predstavnik Crvenog krsta/križa F BiH,
- d) voditelj spasioca,
- e) predstavnik JP »Olimpijski bazen Otoka«,

(3) Sekretar komisije imenuje se iz reda zaposlenih u JP »Olimpijski bazen Otoka« i obavlja sve administrativne poslove potrebne za rad komisije.

## **Odjeljak C. Način polaganja ispita**

### **Član 8. (Polaganje ispita)**

(1) Polaganju ispita mogu pristupiti kandidati koji su uredno pohađali praktično – teoretsku nastavu, o čemu će komisija voditi evidenciju.

(2) Završni ispit se sastoji od više testova koji se sprovode korištenjem slijedećih metoda:

- a) Opservacijom (ličnom, video zapis);
- b) Usmenim ispitivanjem;
- c) Pisanim ispitivanjem (kratki odgovori, više izbora);
- d) Simulacijom različitih scenarija spasavanja.

(3) Teoretski dio ispita polaže se u prostorijama Centra za obuku spasilaca, prostorijama Crvenog krsta/križa FBiH i Fakulteta sporta ili po potrebi na drugom odgovarajućem mjestu.

(4) Praktični dio ispita polaže se u prostorijama Centra za obuku spasilaca, Crvenog krsta/križa FBiH ili na nekom drugom poligonu ako potrebe isto iziskuju.

(5) Centar će za potrebe realizacije kursa za spasioca organizovati spasilački punkt i izvršiti nabavku potrebne spasilačke opreme.

(6) Centar za obuku spasilaca na vodi će izraditi radnu bilježnicu. Centar je u obavezi za svakog polaznika kursa obezbjediti radnu bilježnicu.

(7) Konačan uspjeh kandidata komisija utvrđuje nakon položenog pismenog, usmenog i praktičnog dijela ispita.

(8) Kandidat je položio ispit ukoliko je položio sva tri dijela ispita.

(9) Uspjeh kandidata na ispitu za spasioca ocjenjuje se ocjenom „položio ispit“ ili „nije položio ispit“.

(10) Po završetku ispita, predsjednik komisije, u prisustvu članova komisije, saopštava kandidatu rezultate ispita. Rezultat ispita se konstatuje u registracijskom dnevniku.

(11) Zapisnik se vodi u registracijskom dnevniku - završni izvještaj o polaganju ispita, i potpisuju ga predsjednik, članovi komisije i sekretar komisije.

## **POGLAVLJE III. NAČIN VOĐENJA EVIDENCIJE, IZDAVANJE UVJERENJA I LEGITIMACIJA, PROVJERA ZNANJA I PLAN I PROGRAM OBUKE**

### **Odjeljak A. Način vođenja evidencije, izdavanja uvjerenja i legitimacije**

#### **Član 9. (Vođenje evidencije)**

- (1) Centar za obuku spasilaca dužan je da vodi registracijski dnevnik za sve upisane kandidate u pisanoj i/ili elektronskoj formi.
- (2) Registracijski dnevnik sadrži redni broj, datum prijave, ime i prezime datum i mjesto rođenja, broj lične karte i mjesto izdavanja, adresu stanovanja, broj kontakt telefona, mail adresu, evidenciju zdravstvenog statusa i inicijalnog testiranja plivačkih sposobnosti, evidenciju pohađanja teorijske i praktične nastave, podatke o polaganju, završni izvještaj o polaganju ispita, broj certifikata, datum izdavanja legitimacije.
- (3) Registracijski dnevnik čuva se trajno, a prijava i druga dokumentacija o polaganju i godišnjoj provjeri 10 (deset) godina.
- (4) Registracijski dnevnik potpisuje direktor Centra za obuku spasilaca.

#### **Član 10. (Izdavanje uvjerenja i legitimacije)**

- (1) Centar za obuku spasilaca na vodi dužan je da kandidatima koji su uspješno završili kurs obuke i položili praktični i teoretski ispit ili godišnju provjeru znanja izda uvjerenje i legitimaciju za spasioca na vodi.
- (2) Uvjerenje i legitimacija obavezno sadrže logo Centra za obuku spasilaca. Logo je kružnog oblika – dva prstena oivičena žutom bojom, u sredini obojena plavom bojom sa natpisom •CENTAR ZA OBUKU SPASILACA • NA UREĐENIM KUPALIŠTIMA – SARAJEVO, a u sredini se nalazi logo JP“Olimpijski bazen Otoka“ d.o.o. sarajevo.
- (3) Uvjerenje potpisuju Centar za obuku spasilaca, Fakultet sporta i tjelesnog odgoja i Crveni krst/križ FBiH.
- (4) Legitimaciju potpisuje direktor Centra za obuku spasilaca.
- (5) Legitimacija se može izdati licima koja su položila ispit po ovom programu, a prethodno prilože uvjerenje o položenom ispitu i dvije fotografije.
- (6) Troškove izdavanja legitimacije snosi kandidat.

### **Odjeljak B. Provjera znanja**

#### **Član 11. (Važenje legitimacije spasioca)**

- (1) Legitimacija spasioca na vodi važi godinu dana, nakon čega je kandidat obavezan pristupiti godišnjoj provjeri.
- (2) Godišnja provjera se vrši najkasnije 30. dana prije isteka validnosti legitimacije, na način da se izvrši testiranje, nakon čega se legitimacija potvrđuje. Obnova validnosti legitimacije se obavlja u Centru za obuku spasilaca u kome je i izdata.
- (3) Ukoliko kandidat ne položi ispit godišnje provjere, kandidatu se oduzima legitimacija, odnosno ista se proglašava nevažećom, što se konstatuje i upisom u registracijski dnevnik.
- (4) Centar za obuku spasilaca, 30 dana prije isteka validnosti legitimacije organizovat će kondicijsku pripremu namijenjenu za polaganje ispita za spasioca i godišnju provjeru.



## Odjeljak C. Plan i program obuke

### Član 12.

(1) Dio teoretske nastave koju realizira Centar za obuku spasilaca pri JP „Olimpijski bazen Otoka“ d.o.o. Sarajevo

Zakonitost i higijena vode		
Tema	Program/ Metodologija/ Postupak	Br. časova
Zakonska regulativa, prava i obaveze spasioca i spasilačkih službi na uređenim kupalištima.	<p><b>1. Vrste i uređenje kupališta</b>,(vrste kupališta prema namjeni, podjela kupališta po veličini vodene površine, uređena kupališta uz rijeke i jezera)</p> <p><b>2. Zakonsko korištenje kupališta</b> (mjere osiguranja i poštivanje kupališnog reda, vremenski uslovi na otvorenim uređenim kupalištima,privremeni prekid rada kupališta),</p> <p><b>3. Održavanje reda</b> (promatranje, kupališni red, promatranje kupališta, mjesto posmatranja, osiguranje veze za hitne intervencije,</p> <ul style="list-style-type: none"> <li>a) odjeća spasioca;</li> <li>b) oznake na kupalištu;</li> <li>c) dnevnik spasilačke službe;</li> <li>d) pisanje izvještaja,</li> <li>e) udaljavanje kupača sa plivališta;</li> <li>f) oprema spasioca.</li> </ul> <p><b>4. Oznake zabrane, opasnosti, obaveze</b></p> <ul style="list-style-type: none"> <li>g) mjesto pružanja prve pomoći.</li> </ul>	1
Tehničko-tehnološke karakteristike vode na uređenim kupalištima (otvorena i zatvorena) - Mikrobiološko –tehničke vode Sigurnosno higijenske i sa uređenim kupalištima	<p>Opasnosti i rizici korištenja uređenih kupališta</p> <p>Potencijalne opasnosti</p> <p>Davljenje,povrede....</p> <p>Mikroorganizmi štetni po zdravlje,virusi i bakterije</p> <p>Hemijsko zagađenje vode</p> <p>Rad,kontrola i održavanje bazena Postupci kontrole i smanjenja rizika</p> <p>Preventivne mjere</p> <p>Monitoring kvalitete vode na kupalištima</p>	2
Organizacija spasilačkog punkta	<p>1. Položaj i odabir mjesta za punkt</p> <p>2. Oprema:</p> <p>Oprema za izvlačenje utopljenika i održavanje na vodi,</p> <p>Oprema za transport povrijeđenih,</p> <p>Oprema za pružanje prve pomoći,</p> <p>Sredstva za komunikaciju,</p> <p>Sredstva za signalizaciju,</p> <p>Sredstva za posmatranje,</p> <p>Rezervna uniforma za spasioca,</p> <p>3. Ekipa i organizacija rada,</p> <p>4.Evidencione liste (intervencije, upotrijebljena sredstva i sl.)</p>	2
<b>Ukupno časova</b>		<b>5</b>

**(2)Dio praktično- teoretske nastave koju realizira Crveni krst/križ FBiH**

Tema	Program/Metodologija/ Postupak	Broj časova
<p><b>Crveni krst/križ BiH</b></p> <p><b>Šta je prva pomoć</b></p> <p><b>Redovi hitnosti</b></p>	<p>-Istorijat pokreta -Temeljna načela -Znak -Crveni križ BiH/ djelatnost</p> <p>-Cilj, zadaci, značaj; -Etički principi i humanistička osnova; -Pojam i oblici prve pomoći; -Organizacija pružanja prve pomoći; -Sredstva za pružanje prve pomoći; -Zaštita spasioaca pri pružanju prve pomoći;</p> <p>-Prvi red hitnosti: prestanak disanja i rada srca, gubitak svijesti -Drugi red hitnosti: krvarenje -Treći red hitnosti: otvorene povrede (rane, opekotine, smrzotine) -Četvrti red hitnosti: zatvorene povrede kostiju i zglobova</p>	1
<p><b>Postupak sa unesrećenim</b> <b>Praktične radnje</b></p> <p><b>Stanje prividne smrti i sigurna smrt</b></p> <p><b>Besvjesno stanje</b></p> <p><b>Praktične radnje:</b></p>	<p>Ustanoviti potoji li stanje neodložne prve pomoći te provjeriti: -stanje svijesti -disanje -rad srca -puls- stanje krvotoka</p> <p>Poremećaj bilo koje od navedenih funkcija opasno je po život te prvu pomoć moramo pružiti odmah, bez odlaganja.</p> <p>-besvjesno stanje -prestanak disanja -prestanak rada srca</p> <p>Stanje sigurne smrti: -Mačije oko -Mrtvačke pjege -Mrtvačka ukočenost</p> <p><b>UKLANJANJE ODJEĆE I OBUĆE</b> -skidanje odjeće i obuće -paranje i rezanje odjeće</p> <p><b>NEODLOŽNA PRVA POMOĆ</b> -provjera stanja -uzroci i opasnosti -varijante besvjesnog stanja -prva pomoć (prohodnost disajnih puteva, položaj</p>	1

<b>Prestanak disanja i rada srca</b>	<p>Prestanak disanja:</p> <ul style="list-style-type: none"> <li>-provjera da li povrijeđeni diše</li> <li>-vještačko disanje upuhivanjem zraka:</li> <li>-metoda "usta na usta"</li> <li>-metoda "usta na nos"</li> <li>-metoda "usta na nos i usta"</li> </ul>	1
<b>Praktične radnje</b>	<p>Prestanak rada srca:</p> <ul style="list-style-type: none"> <li>-provjera rada srca i stanja krvotoka (puls)</li> <li>-tehnika izvođenja vanjske masaže srca</li> </ul>	
<b>Utapanje</b>	<p>provjera stanja</p>	1
<b>Praktične radnje:</b>	<p>-postupak kod utapanja</p>	
<b>Krvarenje</b>	<p>vrste krvarenja (vanjsko i unutrašnji)</p>	
<b>Praktične radnje:</b>	<p>Zaustavljanje vanjskog krvarenja:</p> <ul style="list-style-type: none"> <li>-pritiskom prstima</li> <li>-postavljanje kompresivnog zavoja</li> <li>-podvezivanje udova</li> <li>-pritiskom prstima ili šake u samu ranu</li> </ul> <p>-krvarenje iz šupljina (iz nosa, uha, povraćanje krvi, krv u mokraći)</p> <ul style="list-style-type: none"> <li>- prva pomoć</li> </ul> <p>Unutrašnje krvarenje:</p> <ul style="list-style-type: none"> <li>- znaci i prva pomoć</li> </ul> <p>Iskrvarenje i prva pomoć</p> <p>ŠOK - uzroci, znaci i prva pomoć</p>	1
<b>Povrede</b>	<p>Definicija</p> <ul style="list-style-type: none"> <li>-vrste prema uzroku</li> <li>-vrste povreda prema stanju kože (otvorene i zatvorene)</li> </ul>	
<b>Otvorene povrede - rane</b>	<ul style="list-style-type: none"> <li>-definicija, karakteristike, opasnosti</li> <li>-vrste rana prema uzroku</li> <li>-postupak sa ranom</li> </ul>	
<b>Opekotine</b>	<ul style="list-style-type: none"> <li>-vrste prema uzroku (toplotne, kemijske, električna energija, sunce, zračenja)</li> <li>-opasnosti ( gubitak tečnosti i minerala, infekcija)</li> <li>-procjena stepena opečenosti i izračunavanje površine opečenog</li> <li>-prva pomoć</li> </ul>	1
<b>Smrzotine</b>	<ul style="list-style-type: none"> <li>-vrste - stepen oštećenja</li> <li>-prva pomoć</li> </ul>	
<b>Zavojni materijal i postavljanje zavoja</b>	<ul style="list-style-type: none"> <li>-vrste zavoja (prvi zavoj, kaliko zavoj)</li> <li>-sterilne komprese od gaze</li> <li>-trougle marame</li> <li>-postavljanje tipičnih zavoja (glave, ramena, ruke, šake, koljena, trbuha, grudnog koša)</li> <li>-upotreba prvog zavoja - tehnika postavljanja</li> </ul>	
<b>Praktične radnje</b>		

<b>Povrede pojedinih dijelova tijela</b>	<b>POVREDE GLAVE</b> -uzroci, vrste -znaci opasnosti -prva pomoć (položaj, zavoj)  <b>POVREDA OKA</b> -uzroci vrste -prva pomoć (ispiranje, zavoj)	2
<b>Povrede pojedinih dijelova tijela</b>	<b>POVREDE UHA</b> -uzroci, vrste -prva pomoć <b>POVREDE VRATA</b> -uzroci, opasnosti -prva pomoć (ovratnik-kolir, postupak) <b>POVREDE GRUDNOG KOŠA</b> -uzroci, znaci opasnosti, vrste -prva pomoć <b>POVREDA TRBUHA</b> -znaci, opasnosti -prva pomoć <b>POVREDA KARLICE</b> -znaci -prva pomoć <b>POVREDA UDOVA</b> -povreda kostiju -povrede zglobova(iščašenja, uganuća) -povreda mekih tkiva -prva pomoć (postupak , imobilizacija) <b>POVREDA KIČME</b> -vrste (povredakošanog dijela i povreda košanog dijela sa kičmenom moždinom) -povredna vratnog dijela kičme i prva pomoć (postupak i kolir) -povreda slabinskog i leđnog dijela kičme i prva pomoć (postupak) -imobilizacija daskom	1
<b>Prenošenje unesrećenih</b>   <b>Transport unesrećenih</b>	-prenošenje se vrši poslije pružene prve pomoći -metode prenošenja -sredstva za prenošenje (naglasak na inprivizovana sredstva i nosila od čeebeta i sl.)  -vrsta transportnog sredstva zavisi od vrste povrede i stanja povrijeđenog -položaj povrijeđenog zavisi od vrste povrede -njega u transportu	1

<b>Nesreće</b>	<b>GUŠENJE STRANIM TIJELOM U DISAJNOM PUTU</b> -znaci djelimičnog i znaci potpunog začepljenja -prva pomoć	1
<b>Sunčanica i toplotni udar</b>	-znaci, opasnosti -prevencija -prva pomoć	
<b>Smrzavanje</b>	-znaci -prevencija -prva pomoć	
<b>Trovanja</b>	<b>TROVANJE UGLJEN MONOKSIDOM</b> -okolnosti u kojima može nastupiti trovanje -prevencija -prva pomoć	
<b>Ujedi zmiје, krpelja, životinja</b>	<b>TROVANJE KISELINAMA I LUŽINAMA</b> -okolnosti u kojima dolazi do trovanja -znaci, opasnosti, prevencija -prva pomoć  -postupak kod ujeda insekata (osa, stršljen, krpelj) -postupak kod ujeda zmiје -postupak kod ujeda životinja	
<b>UKUPNO ŠKOLSKIH ČASOVA</b>		<b>11</b>

**(3)Dio praktično-teoretske nastave koju realizira Fakultet sporta i tjelesnog odgoja Sarajevo**

<b>PRAKTIČNI DIO KURSA</b>	
<b>TEMA</b>	<b>Broj časova</b>
Upoznavanje sa metodikom rada na kursu	1
Tehnike plivanja	1
Tehnika startovanja na otvorenim vodama i bazenima	1
Tehnike prilaza	2
Tehnika izvlačenja iz vode na otvorenim vodama i bazenima	5
Tehnika primjene spasilačke opreme na otvorenim vodama i bazenima	2
Tehnika saradnje više spasioca	1
Napredne tehnike ronjenja	1
Spašavanje u noćnim i otežanim uslovima	2
Tehnike osmatranja, skeniranja, rotacijespasilacana otvorenim vodama i bazenu	2
Sredstva veze i komunikacije	2
Kombinovanje spasilačkih tehnika na otvorenim vodama	6
<b>UKUPNO</b>	<b>26 časova</b>

<b>TEORETSKI DIO KURSA</b>	
<b>TEMA</b>	<b>Broj časova</b>
Uvod	1
Karakteristike i specifičnosti vode	2
Utapanje na otvorenim vodama i bazenima	2
Mjere prevencije	2
Spasilačke tehnike na otvorenim vodama i bazenima	2
Sredstva i oprema	2
Sredstva za komunikaciju na otvorenim vodama i bazenima	1
Tehnike spašavanja	1
Organizacija spasilačkog punkta	2
Procjena rizika na radnom mjestu spasioca	1
Prava, obaveze i zakonska regulativa rada spasioca na otvorenim vodama i bazenima	1
<b>UKUPNO</b>	<b>17 časova</b>

#### **POGLAVLJE IV. PRELAZNE I ZAVRŠNE ODREDBE**

##### **Član 13. (Prestanak primjene ranijih Programa)**

Stupanjem na snagu ovog Programa prestaju sa primjenom svi raniji programi za obuku spasilaca na vodi koje su primjenjivali Crveni krst/križ FBiH, Fakultet sporta i tjelesnog odgoja Sarajevo i organizovana javna kupališta na području Kantona Sarajevo.

##### **Član 14. (Stupanje na snagu)**

Ovaj Program stupa na snagu danom donošenja, a objaviće se u „Službenim novinama Kantona Sarajevo“.

Broj: 12- \_\_\_\_\_ /18  
Sarajevo, \_\_. \_\_. 2018. godine

**MINISTAR**

Mirvad Kurić